



Agency for Development of Higher Education and Quality Assurance of Bosnia and Herzegovina

Broj: 05-33-2-229-14/20
Banja Luka, 14.10.2020.godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Visoka škola računarstva i poslovnih komunikacija Empirica u Brčko Distriktu BiH**, na osnovu prijedloga Odjeljenja za obrazovanje Vlade Brčko distrikta BiH, direktor Agencije za razvoj visokog obrazovanja i osiguranje kvaliteta Bosne i Hercegovine donosi

R J E Š E N J E

o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove Visoka škola računarstva i poslovnih komunikacija Empirica u Brčko Distriktu BiH

1. Imenuje se Komisija domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljnjem tekstu: Komisija stručnjaka) u postupku akreditacije visokoškolske ustanove **Visoka škola računarstva i poslovnih komunikacija Empirica u Brčko Distriktu BiH** u sljedećem sastavu:
 - 1) prof. dr. Genc Trnavci, predstavnik akademske zajednice u BiH - predsjednik Komisije stručnjaka;
 - 2) prof. dr. Danica Škara, međunarodni stručnjak, član Komisije stručnjaka;
 - 3) Esad Bajramović, predstavnik privrede i prakse, član Komisije stručnjaka;
 - 4) Danica Kojić, student, član Komisije stručnjaka
2. Komisija stručnjaka iz tačke 1. u postupku akreditacije postupat će na osnovu Okvirnog zakona o visokom obrazovanju u Bosni i Hercegovini (u daljnjem tekstu: Okvirni zakon), Odluke o normama kojima se određuju minimalni standardi u području visokog obrazovanja („Službeni glasnik BiH“, broj 100/11 i 26/19), Odluke o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16), drugih dokumenata Agencije za razvoj visokog obrazovanja i osiguranje kvaliteta Bosne i Hercegovine (u daljnjem tekstu: Agencija) kojima je uređen postupak akreditacije, kao i propisima Brčko distrikta BiH, koji su usklađeni sa Okvirnim zakonom i dokumentima Agencije uključujući i propise o kvantitativno normiranim kriterijima ljudskih i materijalno-tehničkih resursa neophodnim za rad visokoškolskih ustanova i izvođenje studijskih programa, posebno onih koji se realiziraju „na daljinu“.

3. Komisija stručnjaka dužna je u roku od najduže 30 dana od posjete visokoškolskoj ustanovi, u njenom sjedištu u Brčko Distriktu BiH, sačiniti nezavisan Izvještaj o eksternoj evaluaciji visokoškolske ustanove koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku, bez oznaka (memorandum, logotip i dr.) nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta koje upućuje na zavisnost rada Komisije stručnjaka od navedenih i drugih subjekata.
4. Komisija stručnjaka dužna je konačni Izvještaj o eksternoj evaluaciji visokoškolske ustanove dostaviti Agenciji.
5. Za koordinatora u postupku akreditacije visokoškolske ustanove **Visoka škola računarstva i poslovnih komunikacija Empirica u Brčko Distriktu BiH** imenuje se Aida Savić, stručna savjetnica za nauku i visoko obrazovanje.
6. Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije stručnjaka kojim se preciznije uređuju prava i obaveze ugovornih strana, utvrđeni tačan iznos naknade za rad Komisije stručnjaka i rok isplate koji ne može biti prije izdavanja preporuku o ishodu akreditacije od strane Agencije.
7. Rješenje stupa na snagu danom donošenja.

O b r a z l o ž e n j e

Odjeljenje za obrazovanje Vlade Brčko distrikta BiH, (u daljnjem tekstu: Odjeljenje za obrazovanje) dostavilo je Agenciji Prijedlog za imenovanje Komisije stručnjaka za **Visoku školu računarstva i poslovnih komunikacija Empirica u Brčko Distriktu BiH**, broj: 07-1154SO-036/20 od 17.06.2020. godine (u Agenciji zaprimljeno pod brojem: 05-33-2-229-2/20, dana 22.06.2020.godine). U prilogu prijedloga dostavljen je Zahtjev za akreditaciju, te dokumentacija u skladu sa članom 14. stav (1) Pravilnika o akreditaciji visokoškolskih ustanova i studijskih programa u Brčko distriktu BiH. Prijedlog Komisije stručnjaka je sadržavao šest predstavnika akademske zajednice u BiH i po tri predstavnika iz reda privrede i prakse, međunarodnih stručnjaka i studenata. Za svaku kategoriju stručnjaka, određen je predsjednik. Agencija je u skladu sa Instrukcijom o imenovanju Komisije stručnjaka, kontaktirala sve predložene stručnjake. Od šest kontaktiranih predstavnika akademske zajednice, dva stručnjaka su potvrdila dostupnost i nepostojanje sukoba interesa, dva predložena predstavnika nisu dostavila povratne informacije, jedan predstavnik je informisao Agenciju da je penzionisan, te da nije u mogućnosti uzeti učešće u radu Komisije, dok je jedan stručnjak iz iste kategorije tražio dodatne informacije koje se tiču naknade za rad. Od tri predložena međunarodna stručnjaka, samo jedan je dostavio informaciju o nepostojanju sukoba interesa i dostupnosti, jedan stručnjak je tražio na uvid primjerak ugovora, ali i izrazio nemogućnost potvrđivanja dostupnosti dok je u toku pandemija COVID 19, dok treći stručnjak nije dostavio povratnu informaciju. Od tri predstavnika privrede i prakse, dva su potvrdila dostupnost i nepostojanje sukoba interesa, od kojih je jedan nedavno imenovan u Komisiju stručnjaka u jednom BIH kantonu. Sva tri predstavnika studenata su potvrdila dostupnost i nepostojanje sukoba interesa.

Agencija je povodom zahtjeva dva predložena stručnjaka, 03.07.2020. godine, elektronskim putem kontaktirala Odjeljenje za obrazovanje tražeći da se dostavi primjerak ugovora kojim će se regulisati prava i obaveze stručnjaka, kao i dokument kojim su definisani troškovi naknada

stručnjaka. Odgovor Odjeljenja za obrazovanje od 13.07.2020. godine, u kojem se Agencija obavještava da su navedeni dokumenti u proceduri, Agencija je prosljedila predloženim stručnjacima koji su tražili predmetne informacije.

Shodno gore navedenom, Agencija je 13.08.2020.godine, Odjeljenju za obrazovanje uputila Zahtjev za dopunom prijedloga Komisije stručnjaka za akreditaciju Visoke škole računarstva i poslovnih komunikacija Empirica u Brčko Distriktu BiH (br: 05-33-2-229-6/20), u kojem se traži hitna dopuna prijedloga, kako slijedi:

- Četiri predstavnika akademske zajednice u BiH,
- Dva stručnjaka iz kategorije međunarodni stručnjak,
- Dva stručnjaka iz kategorije privrede i prakse.

U istom Zahtjevu Agencija, između ostalog, skreće pažnju Odjeljenju za obrazovanje da u budućim procesima akreditacije nema pravo predlagati predsjednike po kategorijama stručnjaka jer se isti smatra uticajem na Agenciju prilikom imenovanja Komisije stručnjaka.

Cijeneći sadržaj dostavljenog Prijedloga za imenovanje Komisije za akreditaciju Visoke škole računarstva i poslovnih komunikacija Empirica u Brčko Distriktu BiH, broj: 07-1154SO-036/20 od 17.06.2020. godine i Dopune prijedloga broj: 07-1154SO-040/20, od 19.08.2020.godine, a postupajući u skladu s Instrukcijom o načinu imenovanja komisije stručnjaka za akreditaciju, br: 05-02-1-71-1/16 od 28.1.2016. godine Agencija je utvrdila sljedeće činjenično stanje. Na osnovu uvida u Listu stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa, koja je dostupna na internet stranici Agencije, utvrđeno je da se predloženi članovi Komisije nalaze na utvrđenoj Listi stručnjaka. Dalje, provjerom dostupnosti predloženih stručnjaka i sukoba interesa u pogledu visokoškolske ustanove koja je predmet eksterne evaluacije, utvrđeno je da dovoljan broj predloženih stručnjaka dostavio dokaz o nepostojanju sukoba interesa s visokoškolskom ustanovom koja je predmet eksterne evaluacije, kao i dokaz o dostupnosti u narednom periodu u kojem se ima obaviti posjeta visokoškolskoj ustanovi u njenom sjedištu u Brčko Distriktu BiH i sačiniti Izvještaj o eksternoj evaluaciji visokoškolske ustanove.

Komisija stručnjaka u postupku akreditacije visokoškolske ustanove **Visoka škole računarstva i poslovnih komunikacija Empirica u Brčko Distriktu BiH** dužna je primjenjivati Okvirni zakon kojim su propisane nadležnosti učesnika u postupku akreditacije, Odluku o normama kojima se određuju minimalni standardi u području visokog obrazovanja u Bosni i Hercegovini (u daljnjem tekstu: Odluka o normama) kojim je detaljnije regulisan način rada Komisije stručnjaka i sadržaj Izvještaja o eksternoj evaluaciji.

Dalje, Komisija stručnjaka dužna je primjenjivati Odluku o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, broj: 96/16), kojom su utvrđeni kriteriji čiju ispunjenost provjerava Komisija prilikom posjete visokoškolskoj ustanovi, u njenom sjedištu u Brčko Distriktu BiH, i ocjenu usaglašenosti visokoškolske ustanove sa kriterijima Komisija stručnjaka detaljno opisuje u svom Izvještaju uzimajući u obzir i utjecaj postojećih kvantitativno normiranih indikatora ljudskih i materijalno-tehničkih resursa ustanove na ispunjenost kriterija broj 5 i 6.

Također, Komisija stručnjaka u svom radu primjenjivat će i zakonske i podzakonske akte koji regulišu oblast osiguranja kvaliteta visokoškolskih ustanova na području Brčko distrikta BiH, koji su usklađeni sa Okvirnim zakonom i dokumentima Agencije uključujući i propise o kvantitativno normiranim kriterijima ljudskih i materijalno-tehničkih resursa neophodnim za

rad visokoškolskih ustanova i izvođenje studijskih programa, posebno onih koji se realiziraju „na daljinu“.

Odlukom o normama propisano je da vanjsko osiguranje kvaliteta treba biti organizirano tako da se odluke o kvalitetu donose nezavisno od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta, izbjegavajući bilo koji sukob interesa. Slijedom navedenog, imenovana Komisija stručnjaka, kao nezavisno tijelo, dužna je sačiniti Izvještaj o eksternoj evaluaciji koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku, bez oznaka (memorandum, logotip i dr.) nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta koje upućuje na zavisnost rada Komisije stručnjaka od navedenih i drugih subjekata.

Konačan Izvještaj o eksternoj evaluaciji Komisija stručnjaka dostavlja Agenciji. Na osnovu dostavljenog Izvještaja o eksternoj evaluaciji, u kojem je sadržano mišljenje Komisije stručnjaka o ishodu akreditacije visokoškolske ustanove, Agencija daje preporuku o ishodu akreditacije nadležnoj obrazovnoj vlasti na osnovu koje se donosi Rješenje o ishodu akreditacije visokoškolske ustanove.


Ovo Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije kojim će se preciznije regulisati prava i obaveze ugovornih strana, utvrditi tačan iznos naknade za rad Komisije stručnjaka i rok isplate koji ne može biti prije izdavanja preporuke o ishodu akreditacije od strane Agencije.

Pravna pouka:

Protiv ovog Rješenja može se izjaviti prigovor direktoru Agencije u roku od 8 dana od dana prijema.

Dostavljeno:

1. Imenovanim članovima Komisije stručnjaka
2. Odjeljenju za obrazovanje Vlade Brčko distrikta BiH
3. Sektoru 05
4. arhivi



Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka



Агенција за развој високог образовања
и обезбјеђивање квалитета
Босне и Херцеговине
Бања Лука

Agency for Development of Higher Education and Quality Assurance of Bosnia and Herzegovina

Broj: 05-33-2-229-22/20
Banja Luka, 06.01.2021.godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Visoka škola računarstva i poslovnih komunikacija Empirica u Brčko Distriktu BiH**, na osnovu prijedloga Odjeljenja za obrazovanje Vlade Brčko distrikta BiH, direktor Agencije za razvoj visokog obrazovanja i osiguranje kvaliteta Bosne i Hercegovine donosi

RJEŠENJE O IZMJENI RJEŠENJA

o imenovanju Komisije domaćih i međunarodnih stručnjaka
koji daju ocjenu i obavljaju reviziju kvaliteta i daju preporuke o akreditaciji
visokoškolske ustanove **Visoka škola računarstva i poslovnih komunikacija Empirica u
Brčko Distriktu BiH**

1. U Rješenju o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove **Visoka škola računarstva i poslovnih komunikacija Empirica u Brčko Distriktu BiH** broj: 05-33-2-229-14/20 od 14.10.2020. godine, briše se kao član Komisije Danica Kojić i imenuje **Igor Bošnjak, student**.
2. Rješenje stupa na snagu danom donošenja.

O b r a z l o ž e n j e

Rješenjem broj: 05-33-2-229-14/20 od 14.10.2020. godine imenovana je Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove **Visoka škola računarstva i poslovnih komunikacija Empirica u Brčko Distriktu BiH** u sastavu:

- 1) prof. dr. Genc Trnavci, predstavnik akademske zajednice u BiH - predsjednik Komisije stručnjaka;
- 2) prof. dr. Danica Škara, međunarodni stručnjak, član Komisije stručnjaka;
- 3) Esad Bajramović, predstavnik privrede i prakse, član Komisije stručnjaka;
- 4) Danica Kojić, student, član Komisije stručnjaka

Tokom aktivnosti u vezi sa pripremom Komisije stručnjaka za posjetu visokoškolskoj ustanovi **Visoka škola računarstva i poslovnih komunikacija Empirica u Brčko Distriktu BiH** član

Komisije stručnjaka Danica Kojić, student, je dana 23.10.2020. godine mailom obavijestila Agenciju da nakon svih prepiski vezanih za učešće u radu komisije za akreditiranje VŠU Empirica i evaluacije njenog dosadašnjeg angažovanja odnosno neangažovanja od strane Agencije u radu komisija za akreditaciju VŠU mora priznati da nema želju da učestvujem u daljem radu komisije, kao ni da budem na listi stručnjaka iz reda studenata, te je podnijela ostavku na mjesto člana Komisije stručnjaka.

Na osnovu prijedlog eksperata koji daju ocjenu i obavljaju reviziju kvaliteta i daju preporuke za imenovanje Komisije za akreditaciju Visoke škole računarstva i poslovnih komunikacija Empirica u Brčko Distriktu BiH, dostavljenog od strane Odjeljenja za obrazovanje Vlade Brčko distrikta dana 22.06.2020.godine, Agencija je izvršila potrebne provjere sukoba interesa i dostupnosti stručnjaka iz kategorije studenti, te na temelju toga izabrala Igora Bošnjaka kao zamjenu za Danicu Kojić.


U preostalom dijelu Rješenje broj 05-33-2-229-14/20 od 14.10.2020.godine ostaje neizmijenjeno.

Pravna pouka:

Protiv ovog Rješenja može se izjaviti prigovor direktoru Agencije u roku od 8 dana od dana prijema.

Dostavljeno:

1. Imenovanim članovima
Komisije stručnjaka,
2. Odjeljenju za obrazovanje Vlade Brčko
distrikta BiH
3. Visoka škola računarstva i poslovnih
komunikacija Empirica u Brčko Distriktu
BiH
- ④ Sektoru 05
5. arhivi



DIREKTOR

Enver Halilović
Prof. dr. Enver Halilović